



Ve chi ancje la soluzion de Conte Misteriose numar 9, dade dal nestri garzon de Ostarie.

### **Soluzion**

Autôr: *Thomas Bernhard*

Titul originâl: *Alte Meister. Comödie*

Titul par talian: *Antichi Maestri, Adelphi 1992*

Tradutôr dal originâl: *Anna Ruchat*

### **Notis**

Jessint jo un di chei che a gjoldin a lei Stifter, se ancje a voaltris us à plasude la descrizion dal predi di campagne de conte misteriose precedente, vâl a dî la prose di Stifter, alore o vuei tirâus dentri di cheste critiche dispietade che Thomas Bernhard al fâs al autôr di Kalkstein. Cuant che leint *Antichi maestri* o soi rivât al pont dulà che l'autôr se cjape intun mût cussì feroç cun Stifter, mi à vignude iniment la letare di Heidegger che o ai nomenade a coment de conte precedente e o ai pensât: "Cuissà se Bernhard al saveve che il filosof todesc al jere ancje lui cjapât de scritture di Stifter?"

Po ben, nancje un pâr di pagjinis plui in denant e je rivade la bordade ancje par Heidegger: no podevi fâ di mancûl di presentâuse. O perdonarês se o ai sostituît il non di Reger, il protagonist di cheste opare di Bernhard, cu la iniziâl 'K': al sarès stât se no masse facil induvinâ!

***Il Garzon***